



Vas poziva na

**PROGRAM STRUČNOG OSPOSOBLJAVANJA ZA VRŠENJE REDOVNIH ENERGIJSKIH AUDITA SISTEMA
VELIKIH POTROŠAČA**

Termin održavanja cjelodnevne nastave (09:00 – 17:00 h) za inženjere mašinstva i elektrotehnike

Period obuke za Velike potrošače je 08.-12. decembar 2025. godine

Lokacija: Hotel Hills Sarajevo

CETOR d.o.o. kao ovlašteni nosilac Programa obuke stručnog osposobljavanja i usavršavanja osoba koje će obavljati poslove provođenja redovnih energijskih audita velikih potrošača (odlukom Federalnog ministarstva energije, rudarstva i industrije (FMERI) od 27.08.2025. godine Rješenje br.: UP/I-05-13-8-220/25), **objavljuje poziv za prijavu na Program obuke.**

Zakon o energijskoj efikasnosti u Federaciji BiH ("Službene novine Federacije BiH", broj 22/17) je stupio na snagu 01.04.2017. godine i predstavlja krovni zakon za oblast energetske efikasnosti u Federaciji BiH. Radi njegove potpune provedbe, pored postojećih uredbi, donesen je i Pravilnik o energijskom auditu velikih potrošača (2025) u nastavku, Pravilnik.

Pravilnikom se propisuje način, uslovi, ovlaštenja i procedure provođenja energijskog audita velikih potrošača, obaveza izrade i dostavljanja izvještaja, rokovi i dinamika provođenja audita, kao i obaveze subjekata koji se svrstavaju u kategoriju velikih potrošača energije.

Energijski audit obavezno uključuje analizu potrošnje svih energenata, tehničko-tehnoloških procesa, prateće infrastrukture, organizacionih aspekata upravljanja energijom, kao i provjeru usklađenosti s važećim propisima iz oblasti EE i zaštite okoliša.

Pravilnikom su jasno definisani rokovi provođenja redovnih energijskih audita velikih potrošača koji su u obavezi vlasnika postrojenja: Veliki potrošači iz imaju obavezu da provedu prvi energijski audit do **31. decembra 2027. godine** i da svaki naredni energijski audit provode najmanje **svake četiri godine**.

Program stručnog osposobljavanja i usavršavanja za energetske auditore provodi se u skladu s Pravilnikom, obuhvata teorijsku i praktičnu obuku, rad na konkretnom industrijskom postrojenju te upoznavanje sa softverima i mjernom opremom potrebnom za provođenje audita.

Nakon uspješno završenog programa osposobljavanja, kandidati polažu ispit koji organizuje ovlaštena institucija, a ispitna komisija ocjenjuje teorijski i praktični dio ispita. Smatra se da je kandidat uspješno položio ukoliko ispuni uslove propisane Pravilnikom, što uključuje dokazivanje praktičnih kompetencija kroz izradu dijela energijskog audita i prezentaciju nalaza komisiji.

Po uspješnom završetku izdaje se uvjerenje o statusu stručnog kvalifikovanog lica.

PRILIKA ZA INŽENJERE MAŠINSTVA I ELEKTROTEHNIKE

Nakon završenog i položenog Programa stručnog osposobljavanja za vršenje energijskih audita velikih potrošača, polaznici obuke mogu samostalno ili u okviru ovlaštenih pravnih lica provoditi redovne energetske audite velikih potrošača, čije je provođenje zakonska obaveza vlasnika postrojenja. Time se osigurava stalna i stabilna potražnja za ovim stručnim uslugama na tržištu, bilo kroz pokretanje vlastitog obrta, obavljanje dodatne djelatnosti ili zapošljavanje u firmama koje provode energetske audite, pri čemu kvalifikovani auditor ima ključnu ulogu u izradi izvještaja.

Shodno uslovima propisanim Pravilnikom, program osposobljavanja u ukupnom trajanju **od 40 sati**, a pristup ovom programu imaju inženjeri mašinstva i elektrotehnike u skladu sa uslovima propisanim Pravilnikom.

Uslovi za pohađanje programa obuke

Uslovi za pohađanje programa osposobljavanja za lica koja provode energijske audite velikih potrošača propisana su Članom 13. Pravilnika:

- imaju završen VII stupanj stručne spreme iz oblasti strojarstva/elektrotehnike ili završen stupanj visokog obrazovanja po Bolonjskom sustavu studiranja sa ostvarenih najmanje 240/300 ECTS bodova iz navedenih oblasti;
- imaju najmanje pet godina radnog iskustva u struci ili tri godine radnog iskustva u projektiranju i/ili stručnom nadzoru izgradnje objekata i postrojenja, održavanju objekata i postrojenja, tehničkom ispitivanju i analizi, a nakon završetka studija;
- imaju položen stručni ispit iz oblasti mašinstva ili elektrotehnike;
- imaju iskustva u najmanje po tri relevantna projekta iz oblasti energijske učinkovitosti u industriji, uz dokaz o uspješno izvršenom poslu od strane naručioca projekta.

Za polaznike iz iste organizacije odobrava se popust od 10% na kotizaciju za drugog i svakog narednog učesnika.

Prijave za obuku obavezne putem prijavnog obrasca. Obrazac za prijavu možete preuzeti [OVDJE](#).

Agenda i radni materijal programa biti će dostavljen polaznicima na email adresu.

Više informacija o Programu osposobljavanja u FBiH i načinu prijave javite se na kontakte:

Tel: +387 33 563 588, fax: +387 33 205 725, edukacija@ceteor.ba; www.ceteor.ba,

MR Sajma Merdan, dipl.ing.maš., Adresa: Topal Osman Paše 32B, 71000 Sarajevo .